

Starfsábyrgðartrygging Löggiltra vátryggingamiðlara

Skilmáli nr. SA-9

Sbr. 20. gr. laga nr. 32/2005 og reglugerð nr. 592/2005.
Í skilmála þessum merkir hugtakið "félagið" Vörð tryggingar hf.

1. gr. Lög um vátryggingarsamninga

Um vátrygginguna gilda lög nr. 30/2004 um vátryggingarsamninga.

2. gr. Gildissvið vátryggingarinnar

- 2.1 Vátryggður er sá löggilti vátryggingamiðlari sem tiltekin er á vátryggingarskírteini eða endurnýjunarkvittun. Vátryggt er gegn bótaskyldu, er fellur á vátryggðan, sem löggildan vátryggingamiðlari, þegar þriðji maður verður fyrir almennu fjártjóni, sem rakið verður til mistaka eða gáleysis vátryggðs sjálfs eða starfsmanna hans. Vátryggingin gildir hvar sem er innan Evrópska efnahagssvæðisins. Bótasvið vátryggingar þessarar nær eingöngu til framkvæmdar starfa er falla undir lög nr. 32/2005 um miðlun vátrygginga.

3. gr. Undanskildar áhættur

Vátryggingin tekur ekki til ábyrgðar, sem rakin verður til:

- 3.1 Ásetnings vátryggðs eða starfsmanna hans.
3.2 Ábyrgðar, sem vátryggður tekur á sig og er víðtækari en almenn bótaskylda hans sem vátryggingamiðlari.
3.3 Sekta, sem falla á vátryggðan eða þriðja mann.
3.4 Slyss á manni, annars líkamstjóns eða skemmda á munum.
3.5 Starfa vátryggðs utan Evrópska efnahagssvæðisins eða bótaábyrgðar, sem er ríkari en eftir þeim reglum, sem þar gilda um skaðabótagrundvöll eða ákvörðun bótafjárhæðar.
3.6 Gjaldþrots vátryggingafélags.
3.7 Hvers kyns starfa vátryggðs sem umboðsmanns vátryggingafélags, eða samsteypu vátryggingafélaga nema sérstaklega sé samþykkt af félaginu og slíks sé getið á vátryggingarskírteini.
3.8 Heimildar frá vátryggingafélagi til vátryggingartaka eða vátryggðs um að binda vátryggingaráhættur (Binding Authority) nema sérstaklega sé samþykkt af félaginu og slíkt sé áritað á vátryggingarskírteini.
3.9 Missis eða glötunar hvers kyns gagna í tölvu- og upplýsingakerfum,
3.10 Misbrests á því að vátryggður, eða starfsmenn hans, skila ekki vörslufé eða draga sér fé á ólögmetan og saknæman hátt.
3.11 Beinna eða óbeinna áhrifa af kjarnorku, jónandi geislun eða geislavirkum efnem.

4. gr. Vátryggingarfjárhæð

- 4.1 Vátryggingarfjárhæð vegna hvers einstaks tjónsatviks er kr. 80.000.000.- . Heildarvátryggingarfjárhæð innan hvers vátryggingar- tímabils er kr. 120.000.000.- .
4.2 Verði fleiri en eitt tjónsatvik af sömu orsök teljast þau vera af völdum eins vátryggingaratburðar.
4.3 Félagið greiðir kostnað, sem eðlilegt er að vátryggður stofni til vegna ákvörðunar um skaðabótaskyldu eða bótafjárhæð, enda þótt greiðsla félagsins fari af þeim sökum fram úr vátryggingarfjárhæðinni. Sama gildir um vexti, sem vátryggður er dæmdur til að greiða af skaðabótakröfu, sem vátryggingin tekur til.
4.4 Sé vátryggingarfjárhæðin lægri en dæmdar skaðabætur, er félaginu þó aðeins skylt að greiða þann hluta vaxta og kostnaðar, er svarar til bótafjárhæðar þeirrar, sem því ber að greiða.

5. gr. Eigin áhætta

- 5.1 Af hverju tjóni ber vátryggingartaki eigin áhættu eins og getið er í vátryggingarskírteini eða endurnýjunarkvittun. Eigin áhætta vátryggingartaka hefur ekki áhrif á réttarstöðu þriðja manns.

6. gr. Upphaf vátryggingarinnar, iðgjaldsgreiðslur og uppsögn við endurnýjun.

- 6.1 Vátrygging þessi tekur gildi þegar að félagið eða umboðsmaður þess hefur samþykkt vátryggingarbeiðni. Iðgjald ber að greiða þegar vátryggingin tekur gildi og síðari iðgjöld á tilgreindum gjaldþögum. Sé iðgjald ógreitt 30 dögum eftir gjaldþögu reiknast dráttarvextir á iðgjaldið. Að loknum þessum 30 daga fresti er félaginu heimilt að krefjast iðgjalds innan 14 daga og sé það ekki greitt innan þess frests fellur ábyrgð félagsins úr gildi og vátryggingin fellur niður.
6.2 Vátryggingin gildir fyrir það tímabil sem tiltekið er í vátryggingarskírteini eða endurnýjunarkvittun. Að því loknu endurnýjast vátryggingin sjálfkrafa í eitt ár í senn, sé vátryggingunni ekki sagt upp skriflega af hálfu vátryggingartaka 30 dögum eftir að félagið sendi endurnýjunarkvittun. Vátryggingartaka er þó ekki skylt að tilkynna uppsögn fyrr en með 15 daga fyrirvara fyrir endurnýjun. Félagið áskilur sér rétt til iðgjaldabreytinga og/eða skilmálabreytinga við endurnýjun vátryggingarinnar.
6.3 Séu sérstakar ástæður fyrir hendi skv. 18. gr. laga nr. 30/2004 um vátryggingarsamninga er félaginu heimilt að segja upp vátryggingarsamning með 60 daga fyrirvara fyrir endurnýjun. Félagið sendir þá frá sér tilkynningu þess efnis skv. ákvæðum sömu laga.
6.4 Vátryggingunni lýkur, ef vátryggður fullnægir ekki lengur lögmæltum skilyrðum um löggildinguna vátryggingamiðlara eða starfsleyfi hans fellur niður.
6.5 Enda þótt vátryggingin sé fallin úr gildi, ber félagið ábyrgð gagnvart tjónþola (þriðja manni) á hverju tjóni, sem rekja má til tjónsatvika, sem verða þar til 30 dagar eru liðnar frá því að félagið tilkynnti vátryggingartaka og Fjármálaeftirlitinu að vátryggingin væri fallin úr gildi, nema önnur fullnægjandi trygging hafi verið sett fyrir þennan frest.

7. gr. Upplýsingaskylda vátryggingartaka

- 7.1 Við gerð eða endurnýjun vátryggingarsamnings ber vátryggingartaka, eða eftir atvikum vátryggðum, að veita félaginu þær upplýsingar um vátryggingaráhættuna sem félagið óskar. Sömuleiðis ber vátryggingartaka, og eftir

atvikum váttryggðum, að greina félaginu frá sérstökum atvikum sem hann veit eða má vita að hafa þýðingu fyrir mat félagsins á áhættunni.

- 7.2 Skýri váttryggingartaki svíksamlega frá eða leyni atvikum, er skipta máli um áhættu félagsins, eða gefur að öðru leyti rangar upplýsingar til félagsins, getur það haft í för með sér að bótaábyrgð félagsins takmarkast eða fellur niður skv. 20. gr. laga um váttryggingarsamninga nr. 30/2004.
- 7.3 Hafi félagið fengið frá váttryggingartaka rangar eða ófullnægjandi upplýsingar um áhættuna getur það sagt upp váttryggingunni með 14 daga fyrirvara. Hafi váttryggingartaki viðhaft svíksamlega háttsemi getur félagið slitið váttryggingunni án fyrirvara sem og öllum öðrum váttryggingarsamningum sem váttryggingartaki hefur hjá félaginu.

8. gr. Tímatakörk

- 8.1 Váttryggingin tekur til skaðabótakröfu gegn váttryggðum er til stofnast á váttryggingartímanum.
- 8.2 Skaðabótakrafa telst hafa stofnast við það tímamark að hið fyrra af eftirfarandi tilvikum hefur borið að höndum;
- a. að þriðji maður gerir skriflega skaðabótakröfu á hendur váttryggðum;
 - b. að váttryggðum verður fyrst kunnugt um, að þriðji maður hefur orðið fyrir fjárhagslegu tjóni, sem kann að verða rakið til gáleysis váttryggðs eða starfsmanns hans, eða að bein hættu er á að slíkt tjón verði.
- 8.3 Váttryggingin tekur ekki til tjóns vegna skaðabótakröfu, sem stofnast hefur gegn váttryggðum á váttryggingartímanum, hafi krafan ekki verið tilkynnt félaginu í síðasta lagi 12 mánuðum eftir lok váttryggingarinnar. Þótt tjón teljist hafa orðið á váttryggingartímanum, og það hafi verið tilkynnt félaginu innan 12 mánaða eftir lok váttryggingarinnar, tekur váttryggingin ekki til slíks tjóns nema váttryggður hafi mótttekið skriflega skaðabótakröfu skv. gr. 8.2 og tilkynni það félaginu í síðasta lagi innan tveggja ára eftir lok váttryggingarinnar.
- 8.4 Skaðabótakröfu skv. gr. 8.2, sem rakin er til tjóns, er verður hvort heldur skyndilega eða smám saman, bætir félagið ekki, hafi tjón komið í ljós að einhverju leyti eða öllu áður en váttryggingartíminn hófst.

9. gr. Skyldur váttryggðs við tjónsatburð

- 9.1 Þegar það atvik, sem váttryggt er gegn, hefur gerst, eða hættu er á því að það gerist, ber váttryggðum skylda til þess að reyna afstýra eða lágmarka tjónið. Hafi váttryggður af þessum sökum orðið fyrir útgjöldum mun félagið endurgreiða þau að því leyti sem þau teljast réttlætjanleg. Vanræksla í þessu efni getur valdið lækkuð eða missi bóta skv. 28. gr. laga nr. 30/2004 um váttryggingarsamninga.
- 9.2 Váttryggður skal veita félaginu þær upplýsingar og þau gögn sem hann hefur undir höndum eða getur útvegað og félagið þarf til þess að meta ábyrgð sína og greiða bætur. Ef váttryggður veitir af ásetningi rangar eða ófullnægjandi upplýsingar sem hann veit eða má vita að að leiða til þess að tjónþoli fær bætur, sem hann á ekki rétt á, fellur niður allur réttur hans samkvæmt váttryggingarsamningnum. Félaginu er ennfremur heimilt þegar svo stendur á að segja upp váttryggingarsamningnum sem og öllum öðrum váttryggingarsamningum sem váttryggður hefur hjá félaginu með viku fyrirvara.

10. gr. Meðhöndlun skaðabótakröfu

- 10.1 Jafnskjótt og váttryggður fær vitneskju eða grun um að skaðabótakrafa verði gerð á hendur honum ber honum að tilkynna félaginu það skriflega.
- 10.2 Sé gerð skaðabótakrafa á hendur hinum váttryggða hefur félagið fyrirsvar vegna þeirrar kröfu og eru heimilar hvers kyns ráðstafanir til þess að meðhöndla kröfuna svo sem viðurkenningu á bótaskyldu, verjast kröfunni eða gera um hana samkomulag enda eru þessar ráðstafanir á kostnað félagsins svo og málskostnaður vegna þeirra.
- 10.3 Félagið er ekki bundið af því ef váttryggður greiði eða viðurkenni skaðabótakröfu nema leitt sé í ljós að váttryggður gerði aðeins það sem honum var skylt að lögum er hann greiddi kröfuna eða viðurkendi réttmæti kröfunnar.

11. gr. Aukin áhætta

Verði breytingar á atvikum eða upplýsingum, sem félaginu hefur verið skýrt frá í váttryggingarbeiðni, eða á annan hátt, skal váttryggingartaki tilkynna félaginu um þær.

12. gr. Endurkröfuréttur

- 12.1 Bæti félagið tjón sem þriðji maður ber ábyrgð á, öðlast það rétt váttryggðs gagnvart honum að því marki sem bótunum nemur.
- 12.2 Félagið á ætíð endurkröfurétt á hendur váttryggingartaka hafi félagið greitt bætur eftir að váttrygging hefur fallið niður, sbr. gr. 6.5

13. gr. Útreikningur iðgjalds – endurgreiðsla iðgjalds

- 13.1 Þegar iðgjaldið reiknast af breytilegum stærðum (svo sem veltu, vinnulaunum eða fjölda starfsmanna) skal áætla iðgjald í upphafi váttryggingartímabils, en endanlegt iðgjald greiðist við lok þess. Innan eins mánaðar frá lokum váttryggingartímabilsins er váttryggðum skylt að láta félaginu í té allar þær upplýsingar sem það telur nauðsynlegar til endanlegrar ákvörðunar iðgjalds. Berist upplýsingar þessar ekki í tæka tíð, má félagið ákveða endanlegt iðgjald eins og það telur sanngjarnt. Ef endanlegt iðgjald er hærra en bráðabirgðaiðgjald sem reiknað var, ber váttryggingartaka að greiða mismuninn innan 14 daga frá því að þess var krafist. Sé endanlegt iðgjald lægra en bráðabirgðaiðgjaldið, ber félaginu að endurgreiða mismuninn innan 14 daga, frá því að útreikningur gat farið fram.
- 13.2 Nýti váttryggingartaki eða félagið sér heimildir sínar, skv. þessum skilmála eða lögum nr. 30/2004 um váttryggingarsamninga, til þess að slíta váttryggingarsamningnum á váttryggingartímabilinu, endurgreiðir félagið iðgjald váttryggingarinnar hlutfallslega.

14. gr. Samsömun

Félaginu er heimilt að bera fyrir sig að starfsmenn váttryggingartaka eða váttryggðs hafi brotið gegn ákvæðum váttryggingarinnar skv. 3. mgr. 29. gr. laga nr. 30/2004 um váttryggingarsamninga.

15. gr. Vísitölubreytingar

Fjárhæðir skv. grein 4.1 miðast við vísitölu neysliverðs og skulu taka breytingunum á 5 ára fresti, í fyrsta skipti 1. janúar 2008, í samræmi við breytingar á samræmdri vísitölu neysliverðs í aðildarríkjum Evrópska efnahagssvæðsins sem birt er af Hagstofu Íslands frá gildinu 117,7 og breytingar á opinberu viðmiðunarverði evru, miðað við grunnengi 80 kr.

16. gr. Varnarþing og lög sem eiga við

- 16.1 Verði ágreiningur um váttrygginguna skal íslenskur dómstóll skera úr honum, skv. íslenskum lögum, nema annað leiði af þjóðréttarsamningi sem Ísland er bundið af.
- 16.2 Heimili félagsins og varnarþing er í Reykjavík. Ágreiningi um bótaskyldu má skjóta til Úrskurðarnefndar í váttryggingamálum. Upplýsingar um nefnd þessa og starfsháttu má fá hjá félaginu. Dómsmál sem kunna að rísa vegna þessa váttryggingarsamnings skulu rekin gegn félaginu fyrir Héraðsdómi Reykjavíkur.

Skilmálar þessir gilda frá 01.01.2006